

造之以是理

籍造化可

形氣

透天關而變

鑿鬼窟以通

開掘神樞以化機也陰陽不

能神鬼神不能隱造化於斯拙於我

矣陰陽造化觀天

道執天之行

夫宇宙在乎手萬化生乎身八卦甲


子神機鬼藏陰陽相勝之術昭乎

畫平象矣非人勿視非人勿傳得之

者當珍襲而藏焉

前南極冲虛妙道真言

耀仙書



神

神樞序 終

神樞目錄

上卷

握天樞

宣明乾象章

占風雨

每月朔日占氣

占流星

承乾符應章

懼仙歲占 陽素問候氣

定龍神行度風颶訣

日逢二十八宿陰晴占

天曆會元之數

占六甲風雨

朝暮占霞

分野躔次

懼仙月占

定無風雨訣

天地混元之數

中卷 不刊故無傳

透天關內篇

龍文寶徽章

奪天巧外篇

神龍天機章

神道天奇章

靈祇叶吉章

下卷

奪造化

候氣經式章

造土牛芒神式

定牛耕地

定二社日

定三伏日

定龍治水

定得辛

定臘日

定閏月

定神后執蚕

定半夜子時隔界

定靈天

神符坤運章

坤運神機秘訣

論龍穴砂水秘訣

定穴淺深

用尺寸起訣

分金井秘訣

二十四山水法

陰陽山水法

驪仙擇風水所忌

定晴雨時

定春秋二分冬至夏至日

八針寶例

點穴遠近

用尺起星訣

九星二十四向淺深吉凶

二十四山開地劫應

九星水法吉凶劫例

四路水法

宅第所忌

後人臣履鎮

天皇教極章

五炁金精訣

五天氣正垣局

五天氣吉

六十年氣從八方圖

神機鬼藏章

逐月吉凶日

紫微宮為帝星直日

月方吉神

月方凶神

六畜所忌

五天氣合垣局

五天氣治

五天氣凶

定時吉凶

年方吉神

年方凶神

胎產所忌

天罡制凶方吉時

合婚

演身帶煞

通天策

潛虛剋應章

三要玄機

旦夕占鳥

占見怪

推小兒關煞

占羽毛所干之兆

占鴉鳴

占火災

和天倪

神光護命章

太上斬三尸祕法

推支干得病吉凶

保合太和章

驗神光法

耆老延齡會
益筭之辰

建廷之頁吉日
歡伯之期

成化壬辰孟夏
餘慶書堂新梨

後神樞目錄畢

臞仙肘後神樞上卷

前南極冲虛妙道真君 臞仙 編集

握天樞

宣明乾象章 靈燁子記

占風雨

臞仙曰凡占風雨必審天時雲氣務在精熟謂之竊天之機而造化在乎掌握矣予按天書曰昔軒轅尊祀上帝以奉天道上天眷祐以成治道之功陰符經云觀天之道執天之行盡矣

度變理大小各有其法所以感而蒙

通五徵

以動物所以潤物陽以乾

寒以成物五

音未備休咎張焉聖人之應世也乾象清明其道寧謚以誠
 洽國以仁及物故曰惟至誠可以感天地和陰陽惟至誠可
 以致禎祥禳災異是以八風循通五徵不察其雨時降凡失
 此者霽霽伐物霽火且天風雨四起霽潦不時飛蝗蔽天民
 食寡乏或旱或澇賊寇乃生冬溫夏寒五徵錯亂闕乎天道
 之變也五徵者曰雨曰暘曰燠曰寒曰風洪範曰五徵未備
 各以其叙庶草蕃蕪禮運云喜怒哀樂愛惡欲此七者不學
 而能謂人情之所欲也父慈子孝兄友弟恭夫義婦隨長德
 幼順君仁臣忠此十者謂之義學而不及謂修德之所難也
 所以治七情修十義謀信存德是謂聖人也體天以治物故
 能和六氣調四時雨暘時若太平有象矣備見天文玉曆不

不

觀北斗魁罡之間有黑潤色雲在畔則當夜有雨如北斗

前有黃氣者明日黃風若潤則是夜

當日必大雨

如有黑黃白潤色之雲長三丈餘滿

平而不散者三日

內必雨如無雨人少安如四下皆

雲微薄而溟濛獨蔽

北斗或上下有覆者五日內必雨如有黑雲濃潤者當夜

必雨

夜占北斗旦占日上下有雲氣五色又形如龜而蔽覆者一

日內必雨其應雨不可一日止也

如有雲氣蔽北斗皆詳其五色各為占驗蒼色大雨黑色多

雨黃白色多風赤色為旱

如北斗間有赤雲氣蔽者明日必大熱有黃氣昏慘蔽之若

有白氣遮映北斗杓間主三日內有大風惡雨赤雲氣或在日上下又廣密者主大風飄塵之象月上下有黃雲氣昏暗而蔽者亦主大風或白氣在日月上下廣布者三日內有大風惡雨也

凡戊子日名為六龍日初出時占日之上下夜占北斗若有雲氣蒼蒼潤色如魚龍形或如鱗甲狀蔽覆者其日夜必然大雨若不然別日有急速之暴雨也

天氣下降地氣未昇晝則日色紫夜則月色白皆將雨之候九遊之氣蔽天日月天色亦將雨之候

天氣未降地氣上昇晝則日白夜則月赤乃將旱之兆又主有溼霧

天氣下降地氣上昇上下未交陰盛陽衰晝則日色碧夜則

月色綠乃將寒之兆

天氣下降地氣已昇上下雖交而未密故晝則日色黑夜則月色青陽既疏則雲薄而生虹蜺氣既未詣則陰陽復類離散是將雨不雨變為霧霧暈昏首耳又云陰陽不和婚烟失序即生虹蜺

凡十二月內節氣之日有汗發氣者一月內多雨

六甲日日占日上下晴空無雲則旬多旱若有雲隨色而定之如有青雲甲乙日雨赤雲丙丁日雨白雲庚辛日雨黑雲壬癸日雨黃雲戊巳日雨如雲飛廣布當日雨且暮掩日映北斗者必有大雨

占五卯日有雲氣聚于中央景色將寒大風折木四方昏翳雲多黑色則壬癸日雨青雲甲乙日雨赤雲丙丁日雨黃

雲戌巳日雨白雲庚辛日雨已上雲應必有作如無雨
必有大寇近在六日內應遠在六旬外應

占五音宮羽時每日子午時為宮卯酉時為羽子午納音土
日為宮卯酉納音水日為羽或宮日卯風羽日宮風有黃
雲氣潤色廣布者其日必有雨也五音壬子午為宮卯酉
為羽辰戌為商巳亥為角丑未寅申為徵日徵風徵時
加丑未寅申必有火災角日角風角時加巳亥必有疾病
死亡之事商日商風商時加辰戌主寇盜起陽日在外陰
日在內又云庚子庚午為宮乙酉乙卯為羽

占壬辰癸巳日或壬戌癸亥日至卯酉時風從卯酉上夾更
兼潤色雲氣必主大雨或風勢叫怒乃刑殺相會水中石
賊又壬子壬午癸卯癸酉日子午時卯酉方上風來為

乙移宮時黑雲蔽日夜蔽斗昏主有雨卯酉時子午亦
上風來有黑雲廣潤者即時雨也若午卯自時有黑雲廣
潤蔽日者主其日有雨也若子酉日時蔽北斗者亦主其
日有雨也又云清靜而不寒者災輕若感濁破屋折木其
災重也

占壬子癸丑甲寅乙卯丙辰丁巳計六日每一日各管三日
隨次第占其日雲氣低濃潤厚則所管日多陰雨如高燥
清明所管日數災旱 壬子管戊午巳未庚申 癸丑管
辛酉壬戌 甲寅管甲子乙丑丙寅 乙卯管丁卯
戊辰巳 丙辰管庚午辛未壬申 丁巳管癸酉甲戌
乙亥此六日各管三日占雨候也又一
未申申酉丙戌 丁丑管丁亥戊

戊寅管壬辰癸巳甲午乙未丙申
亥庚子辛丑 庚辰管壬寅癸卯甲辰乙巳丙午 辛巳
管丁未戊申巳酉庚戌辛亥此每一日各管五日占雨候
也須要記其日下

占式丑日各黑牛其日子時屬甲寅在東方丙辰則雨甲寅
名青虎有雲氣如馬見於卯時或卯地則戊午日雨也
又云甲寅日辰前東方有雲如龍者則辰日有雨南方有
雲如馬者則午日有雨餘倣此
又云以癸丑日子時屬甲寅日晨前占東方見雲如虎者
當日雨如兔者卯日雨餘倣此
各以十二相屬相配其風雨也
朝視東方有雲如積土之狀黃色潤厚然則占許為有雨故

者有風暮觀西上有雲如壘杯之形作層而起者為有雨
也又雲積聚掩日或辰上起者有雨或在巳酉庚戌則尋
時即雨也

日占北方有黃黑雲氣濃潤一里許大小南行者至癸壬時
必雨壬癸色黑癸亥日有雨又云至晚有如群獸壘塊南
行者壬癸日必雨

若日出時北方有黑雲氣如猪向東北行丙子日必雨丙乃
七數故曰七子之裁又曰晨占北方有黑雲氣麟之蒼之
兼有南風向西北方去者乙卯日必雨乙八數也故云八
震之側又占向西南行使有雨也又半陰不行者當日雨
唯且有黑雲氣霧掩日至晚轉者必雨又云若丁壬日午
時有雲自南方如猪奔之作群隊入坎方者當日子時有

雨者於丙辛日酉時有雲氣鬱之西方行入乾方者又南風溫熱送之則來日必雨也

占日高三丈有雲如帶長引其日在中央有潤色不動者為陰精蔽日必多風雨之象也又且有白氣或黑氣如雲帶潤色者即為將雨之兆也

占天漢天漢者金石之精氣也其本曰水一名天河一名銀河凡天漢中星繁則多雨星少則多旱若火星入河則旱電與水星入河則大雨作若六星在室宿西南龍與五星在西南明動者霹靂發也五星在東南明動者則多雨也若土星逆入河大水發流星入河主寇渡河多溺死天官書云土星逆入河主陰氣久逆則天下大雨洪水也火星犯本方主陽迫無施則天下炎旱也

凡占天河內有黑雲如猪蛇之形冲渡斷而復續者固時有雨也六甲五卯乃壬子丙子大小二限則占之無黑雲氣衝越天河當日數內炎旱如有黑雲氣經過天河不論何狀皆為多雨之候

太乙占云歲月日時四季上下二日太乙十精有掩迫關擊四時相関十精併聚之日黑雲廣布掩日者當日大雨餘見太乙書

占四仲四仲者朝中文半也朝即卯時中即午時夕即酉時半即子時此太乙移宮時也朝中占日上下夕半占月北斗若有雲青黑潤濃主有雨淡薄則無雨也若白色如霧慧者多風也青色則陰

每月朔一日管上旬二日管中旬三日管下旬月色青黑潤

明是旬有雨若黃赤乾枯則旬中無雨也又云日月上下占之

軒轅黃帝占六壬常以月符加月建及月朔皆占神后下為大雨日太冲下為小雨日又占其旬天上壬癸下及亥辰下為雨日推月符法春辰夏未秋戌冬丑是也又常以大吉加月朔神后下為大雨日太冲下為小雨日又以月符加時視日辰上見登明神后功曹太冲為青龍六合天后玄武者定霧少而必雨見傳送從魁為青龍六合天后玄武者空陰其雨少見金土神為騰蛇臨日辰者必晴此晴雨期也太乙勝光為騰蛇朱雀臨日辰者必晴此是占雲起時也凡久雨占晴又法以日符加月建及月朔視日辰上如見金土為風木火主晴水則雨又法凡久雨占晴加

干占雨加支占陰亥子辰下及卯酉下為雨日若占于見土火為晴日見太乙勝光及天上丙丁下為晴日推日符法甲日在寅乙日在卯丙日在巳丁日在午戊日在辰巳日在戌庚日在申辛日在酉壬日在亥癸日在子

占雲氣如帶或白或黑在寅卯時或寅卯方見者甲乙日必雨也若辰巳時或辰巳方上見者丙丁日雨也若陰晴雲帶潤色隨時便雨也雲氣如帶於寅卯時在日上下或縱或橫青色掩日多者各陰精蔽日當丙丁日有雨也如午未上或午未時見來掩日則戊巳日必雨若坤申時或坤申方上來掩日者庚辛日必雨若酉戌方上或酉戌時見壬丙日雨

凡雲氣五色交雜或赤或黑或青或白相者乃天威之震

主有電凍之災害爰者陰黯色主有災害雲爰不雨神怒不收也凡旺相之日降雨者長生滋潤萬物休囚之日降雨者降殺萬物焦枯也過可驗

感精符云風雲陽物也配之於君雨陰物也配之於臣凡先風後雨為順為祥表君正臣良也若先雨後風為候氣逆表天道有徵之象也凡雨後便晴者君臣道合德化之象也如雨止雲氣蔽天不散者候氣未和之象也若夜不見星而晝晴者陰氣閉塞而陽氣暗消也若晝夜俱霧不見星日者陰氣剝陽也有雨即解

占歲旱勞災傷則銅雀鵲屏氣若有蛛蛛蛇有四翼一名徵鳥也見處主天下三年大旱識者多種大豆防飢大豆耐旱也歲將勞則商羊鼓舞商羊水鳥也徵火鳥也石燕飛

多雨

占風雨失期者乃詳六情以決其事實午為庶貞主吉慶和會之事巳酉為寬大主見喜酒食相悅之事申子為貪狼主寇賊侵財盜竊之事丑戌為公正慶賜德食歡樂之事亥卯為盜賊主劫殺之事辰未為奸邪主狂迫有盜賊之事

凡占雨有應者何也為不當其所也若日宿十精諸雲氣所臨本方地分下有雨也子齊丑吳寅燕卯宋辰鄭巳楚午周末秦申晉酉趙戌魯亥衛

神樞玄靈經云甲為齊乙東夷丙楚丁南蠻戊韓己魏庚秦

辛酉戎壬燕癸北狄此占年月日時支干並同又以八節本封冬至起一以少至多夏至起九以多至少皆是五日

一移一宮冀州主趙二宮荊州主楚三宮青州主
徐州主霖宋豫五宮豫州主虫灾蔡宋六宮雍州主霧霽
寒濠七宮梁州主霜冷晉八宮密州主陰沉燕九宮揚州
主炎旱

占六甲風雨

甲子旬卯初觀薄黑雲不多午時定有西風至赤雲不多申
時有商風至黑雲往來蔽日色巳時雨從北方來青雲一
条長未時雨從東方來白雲遮日辰時雨從西方來
甲寅旬黑雲蔽日巳時定有南風至黑雲薄不遮日午時有
西風至赤雲成塊未時有東風至黃雲亡之酉時有北風
至黃雲四起午時雨從北方來黑薄雲日邊微起辰時雨
從南方來青雲成条未時雨從東方來

甲辰旬薄雲段之不連巳時有北風至青雲成片午時有雨
風至黃雲滿天申時有大東風至赤雲四起辰時有南風
至黑雲如斗辰時大雨從北方來白雲成条酉時雨從東
方來

甲午旬青雲四起未時有南風至白雲成片午時有北風至
黃雲成塊申時有西風至赤雲蔽日午時雨從北方來青
雲段之不連者申時雨從東方來黃雲成片酉時雨從南
方來

甲申旬黑薄雲滿天辰時有北風至紅雲成團午時有南風
至白雲如破絮酉時有西風至黃雲成塊申時有東風至
黑雲薄蔽日辰時有細雨從西方來白雲似山尖起近日
者午時雨從南方來

甲戌旬青雲貫日辰時有西風至黑雲如破絮半時有大風
從北方來黃雲成條長而不斷申時有東風至白雲片
圍日未時有西風至黑雲濃而碎之不相連已時有細雨
從北方來赤雲塊之不動申時有雨從西方來

每月朔日占氣

占氣者似雲不雲似霧不霧白氣乃為雲氣之餘煙觀天之
氣者如許負相人之氣色即知吉凶止此數端後人滋蔓
多而言之非也 氣如高樓大殿龍鳳之狀必主明君治
世天下寧謐 氣如華蓋旌旗圍列宰相明臣之氣也
氣如熊如虎如獅如豹乃大將軍之氣也主國大捷而大
克 白氣一道闌天孝事 黃氣一道闌天七日內洪恩
大赦君臣慶會 青氣一道闌天月內少順 青氣如

在方寸
赤木人
少多三五

聚而不散年內盜賊 青氣圓大箇之排列來日
雨 紫氣瑣碎年內人民飢餓旱魃生 赤氣紅而有火
三日內主火 赤氣片之亂生午辰酉火必然也

朝暮占霞

霞如鋪錦國中命相 霞運青而不明主年內水 霞如擲
樣其方凶 霞大而不明其地人民災 霞如長練人民
安康短而無彩三日內主火 霞如牛卧來日辰時必主
大風 霞如墨洒來日午時大雨 霞如蛇狀民主飢饉
霞如猛虎月內有盜賊 霞忽然不現而賊自消 霞明
彩逐有黑氣慎防時下賊寇 霞五色明彩月內主天恩
詔赦 霞五彩昏而不明小人有犯 霞五彩不全者月
內其地生貴女 霞寸之絕光艷者年內其地亦主貴

女 霞連接不斷如匹錦年內其地生貴子 霞五彩明
如虎豹年內出大武臣 霞明光四方不開年內出忠臣
孝子 霞五彩明圓如車輪年內出明臣賢子 霞早晚
明彩延聚而延散者安享昇平之兆

占流星

星東向西移來日有雨西向東移二日內主風南向北來日
主霧北向南來日主陰而無雨東向南來日主火東向北
七日內有人報寇盜西向南當年水旱災傷西向北來日
風雨大作南向東主旱南向西秋霜冬雪北向東連日雨
不斷北向西主水滄田禾 星帶筭行所向之方百日內
賊寇生 星碎之撒火而行主當年蝗虫生 星昏之而
行江河泛漲 星大而帶黑暈而行所向之處人民災

如二星逆行主有爭鬪 如双星並行朝廷命相 如星
曲而不直行年內飢饉 如星直如繡行所向不斜天下
大收 如一火星如射箭而去主有災傷 如明星直而
慢行天下太平 星如樹枝長短三义而起盜賊生 星
吐碎之乱散三日內人報蝗灾 星有紅焰如火年內
病 星有焰如火煙人民有恙 星大而黃焰者主天
下喜事詔恩大赦 星生紫焰騰之而起五日內有人報
聚哨事 星有白焰者年內主孝服 星有黑焰如黑火
焰年內大水 星或明或滅光燦大者慎防盜賊為害
星圓大如日四邊眾小星拱之主國之興 星大明光奪
月必出忠臣孝子賢人之類也除此星象外其餘不足以
為怪異

分野躔次

魏太史令陳卓因費直蔡邕月令章句頗有先後乃重訂郡國所入宿度皆不取止取天文玉曆森羅紀內躔次為正

角亢氏鄭兗州

東郡入角一度魯地

東平任城山陰入角六度山陰即平陰

濟北陳留入亢五度濟北即東阿縣濟水北

濟陰入氏一度濟寧曹縣 邾東入氏七度

泰山入角十二度

房心宋豫州

潁州入房一度 汝南入房二度

沛郡入房四度 梁國入房五度即河南睢州

淮陽入心四度即河南陳州

魯國入心三度

楚國入房四度即邳州

尾箕燕幽州

涼州入箕中十度

上谷入尾一度即居庸關

漁陽入尾三度 右北平入尾七度

西河上郡北地遼西遼東入尾十度

西河即汾州北地即寧夏

上郡即綏德州遼西即營州

涿郡入尾十六度 渤海入箕一度即營州

樂浪入箕三度在高麗之郡 玄菟入箕六度即遼東野

廣陽入箕九度即廣平府

斗牽牛須女吳越揚州

九江入斗一度 廬江入斗六度

豫章入斗十度

丹陽入斗十六度

會稽入牛一度

臨江入牛四度

廣陵入牛八度即揚州

泗水入女一度

六安入女六度

虛危齊青州

濟南入虛六度

北海入虛九度

濟南入危一度

樂安入危四度

東萊入危九度

平原入危十一度即德州平原縣

菑州入危十四度即平原菑川縣

營室東壁衛并州

安定入營室一度即平涼天水入營室八度即鞏昌府秦州秦安縣

隴西入營室四度即鞏昌府隴西縣

酒泉入營室十一度陝西正西一千七百餘里古玉門關外

張掖入營室十二度陝西正西二千七百餘里西域之郡

武都入東壁一度即鞏昌府階州

金城入東壁四度陝西正西二千七百餘里西域之郡

武威入東壁六度陝西正西二千五百餘里西域之郡

敦煌入東壁八度陝西正西二千八百餘里西域之郡

奎婁胃魯徐州

東海入奎一度 瑯琊入奎六度即青州安丘縣

膠東入胃一度即萊州府膠州

昴畢趙冀州

魏郡入昴一度即大名府魏縣 鉅鹿入昴三度即順德府鉅鹿縣

常山入昴五度即真定府常山縣 廣平入昴七度

中山入昴八度即保定府清河入昴九度即廣平府

信都入畢三度即冀州趙郡入畢八度即邯鄲縣

安平入畢四度即晉州河間入畢十度

真定入畢十三度

南參魏益州
廣漢入觜一度即四川越雋入觜三度即四川

蜀郡入參一度即四川犍為入觜三度即四川

牂牁入參五度四川西南五百里越雋接界

巴蜀入參八度漢中入參九度

益中入參七度在四川

井輿鬼秦雍州
雲中入東井一度即大同定襄入東井八度即忻州

應門入東井十六度 代郡入東井二十八度

太原入東井二十九度 上黨入輿鬼二度即潞州

柳七星張周二輪

弘農入柳一度即陝州河南入七星三度

河東入張一度即山西河內入張九度在懷慶府

翼軫楚荊州

南陽入翼六度 南郡入翼十度即荊州

江夏入翼十二度 零陵入軫十一度

桂陽入軫六度即桂楊州武陵入軫十度

長沙入軫十二度

承乾符應章

臞仙歲占

五子

甲子 五運屬土六氣君火其運陰雨民病中滿身重 其
年水潦損田禾宜蚕桑不宜麻麥宜豆山田禾稻頗收春
夏滂秋冬旱吳楚宜桑麻齊燕宜米麥他處陸種少成巢
雀多

丙子 五運屬水六氣君火其運寒民病欬喘血溢血泄

其年春秋多雨水蚕桑不登秧苗貴不宜麥山田半實湖
田晚收鼠耗多曾衛炎熱齊楚五穀熟

戊子 五運屬火六氣君火其運炎暑民病上熱血溢 其

年主疾病相侵吳楚多災燕齊無恙田禾成熟不一胃熱
多春夏滂秋冬旱蚕桑薄人民飢三冬瘟疫

庚子 五運屬金六氣君火其運涼勁民病下清水 其年

人民暴疾春夏大水秋冬甚飢山田得半湖田不收秦淮
飢吳越多盜不宜蚕

壬子 五運屬木六氣君火其運風鼓民病支滿 其年旱

早禾收一半秋後無雨人疫齊吳麥熟燕魯人多飢宜蚕
物無定價

五丑

乙丑 五運屬金六氣濕土其運涼寒熱民病寒濕晦滿身

脹 其年楚魯魏燕民多瘟疫高田宜早種晚田禾稼止
有八分桑盛蚕薄水大牛羊多瘡春夏米貴

丁丑 五運屬木六氣濕土其運風清熱民病寒濕腹滿

其年米穀登不宜蚕春夏水大燕宋熱秦吳多雨水麥不

熟苗太損六畜瘴死

己丑 五運屬土六氣濕土其運雨風清民病寒濕腹滿

其年田禾成穗燕魯趙衛多盜春夏宜巨麥秋稻廣收棄
蚕加倍物賤

辛丑 五運屬水六氣相火其運寒風雨民病寒濕肘腫

其年人多疾病吳越宜棄麻荆襄多米麥春夏秋有其雨
棄茂蚕旺人民蘇息六畜瘴死

癸丑 五運屬火六氣濕土其運熱雨民病寒濕腹滿 其

年人民多憂前淮吳旱燕宋流徙麻巨價高田蚕半收主
蛙蟻損禾苗收成不全冬水六畜災

五寅

丙寅 五運屬水六氣相火其運寒肅民病寒浮腫

其

水虎狼傷人民移居岡陵禾雖茂米穀豆麥少收晚天
旱燕魏棄麻貴人疫

戊寅 五運屬火六氣相火其運暑民病上熱衄血溢血泄

其年虎狼入鄉村傷人冬多霜雪劫賊起禾苗秀棄葉少
蚕不收吳楚宜麥燕齊乏米春水秋旱凡物價高

庚寅 五運屬金六氣相火其運涼民病肩背胸中痛 其

年麻麥收禾苗損燕宋有水梁吳有寇蚕棄不熟

壬寅 五運屬木六氣相火其運風鼓民病掉眩支脇驚駭

其年雨水勻稻熟吳地宜蚕棄江東穀麥倍收時歲豐稔
惟六畜不旺

甲寅 五運屬土六氣相火其運陰雨民病躄重肘腫痞飲

其年春夏大水禾半收村野多虎豹損人魯魏炎熱秦吳

麥豆熟蚕桑不收

五卯

丁卯

五運屬木六氣燥金其運風清熱民病中熱脹面浮

鼻衄

其年春夏多雨水秋冬旱涸禾稻不收麥熟嘗穡

宜桑麻梁宋麥不收

己卯

五運屬土六氣燥金其運雨風涼民病欬噎寒熱

其年春多雨水夏秋有水種植逢旱禾稻秋收蚕不熟麥

不收吳楚宜桑麻淮魯人多疾一云春旱

辛卯

五運屬水六氣燥金其運寒雨風民病欬噎寒熱

其年麻麥主水滄没早禾榮秦淮人飢吳燕旱蚕桑不收

惡人主多瘴疫善者主少災沲

癸卯

五運屬火六氣燥金其運熱寒雨民病咳噎塞寒熱

其年春夏多雨雪秋旱禾稻熟燕趙宜桑麻吳地禾稻熟
人民多病六畜多瘴桑少蚕絲有

乙卯

五運屬金六氣燥金其運涼熱寒民病咳噎塞寒熱

其年五穀熟秦燕宜麻豆吳越穀多秋水蚕桑不收

五辰

戊辰

五運屬火六氣寒水其運熱民病熱鬱其年禾苗

虫傷人多病六畜多死淮楚水旱秋大水蚕不收豆麥半

收

庚辰

五運屬金六氣寒水其運涼民病大便結燥背脊胸

滿其年燕衛飢六畜遭傷田禾有蝗虫食春夏旱蚕桑

多絲少

壬辰

五運屬木六氣寒水其運風民病心掉目瞤其年

春夏主水豆麥不收五穀登萊麻熟文多膏多熟荆吳宜田
葉主蚕絲少

甲辰 五運屬土六氣寒水其運陰埃民病濕下重 其年
稻麻不收田禾六分春夏水秋冬雨魯地宜蚕葉吳地稻
不收蚕亦旺凡物價貴冬雪凍

丙辰 五運屬水六氣寒水其運化凝慘栗冽民病大寒留
於谿谷 其年春多雨水田禾五分齊燕豆麥少吳越宜
田蚕牛犢遭瘴人多瘧疫蚕葉熟秋夏旱冬水霜雪多

五巳

巳巳 五運屬土六氣風木其運風清勝復同民病寒於右
其年大水揚楚湖蘇旱禾宜潤種秋收加倍蚕葉不熟
辛巳 五運屬水六氣風木其運寒雨風民病寒於右下

其年大水高田可望不宜蚕葉燕楚麥苗秀發吳楚五穀
豐熟六畜多瘴氣入民瘡疾

癸巳 五運屬火六氣風木其運熱寒雨民病寒於右下
其年民多飢色豐歉各有方向孰者半收楚地多熟荆吳
無灾宜蚕葉粟麥稍貴晚禾半收冬雪

乙巳 五運屬金六氣風木其運涼熱心民病寒於右下
其年春夏水秋冬五穀賤燕齊宜且水 蚕葉貴吳楚絲蚕
不收

丁巳 五運屬木六氣風木其運風清執良病寒於右 其
年豐熟宜種植山澤水陸之田皆成而民多疾魯衛豆麥
不收秦宋蚕葉二倍春夏有水秋冬安

五午

庚午 五運屬金六氣君火其運涼勁民病下清水 其年春蚕多灾洪饒水旱荆湘穀米少蚕桑不收春有水早晚禾半收

壬午 五運屬木六氣君火其運風鼓民病支滿 其年水旱不勻高田可望蚕麥熟吳楚魯衛多池晚禾主有水滄

甲午 五運屬土六氣君火其運陰雨民病中滿身重 其年宜禾麥高田倍收吳楚風暴荆湘旱桑葉雖少蚕却收

丙午 五運屬水六氣君火其運寒民病寒下 其年春夏主水魯衛灾疫江東穀熟宜高田低田水蚕不收六畜多

戊午 五運屬火六氣君火其運炎暑其民上熱血溢 其年旱田七分晚田薄收秋早楊楚水荆吳暴風低下宜豆

五未 五運屬土其運寒雨風民病寒濕腹滿 其年田禾熟江東宜麻豆麥揚楚旱蚕少人無灾

辛未 五運屬水六氣濕土其運寒雨風民病寒濕腹滿 其年米穀賤春夏旱燕趙宜豆麥齊吳半收蚕丝倍常

乙未 五運屬金六氣濕土其運涼熱寒民病寒濕腹滿 其年五穀成穗燕魏田桑不熟吳魏半收春夏水秋冬旱

丁未 五運屬木六氣濕土其運風清熱民病寒濕腹滿 其年旱吳趙宜晚稻麥熟桑麻不成春夏雨水勻秋水物

貴六畜不利 其年旱吳趙宜晚稻麥熟桑麻不成春夏雨水勻秋水物

貴六畜不利 其年旱吳趙宜晚稻麥熟桑麻不成春夏雨水勻秋水物

巳未 五運屬土六氣濕土其運兩風清其民寒濕腹滿身
疼 其年種植成燕魏宜田稟吳楚米穀賤春夏有水稟
蚕成豆多實

五申

壬申 五運屬木六氣相火其運風鼓民病掉眩支脇驚駭
其年木麻豆麥皆熟蚕乖稍成春秋水夏旱冬六畜灾

甲申 五運屬土六氣相火其運陰雨民病躄重附腫 其
年春水夏旱田禾不熟魯衛殃燕齊米貴蚕乖半收

丙申 五運屬水六氣相火其運寒肅民病寒浮腫 其年
春夏水秋冬旱宜早禾晚稻不成燕宋多麥豆秦淮麻米

貴蚕少六畜灾人多疾

戊申 五運屬土六氣相火其運陰雨民病躄重附腫 其

年豐稔燕楚宜蚕齊吳宜禾麥收種植不宜低蚕少惟宜
麥不成

庚申 五運屬金六氣相火其運涼民病有胸中痛 其年
田禾盛燕宋宜蚕淮吳米麥賤六畜多灾人稍安蚕半收
秋有水

五酉

癸酉 五運屬火六氣燥金其運熱寒雨民病咳溢寒熱
其年春多雨水果木花無實稻收蚕乖不熟麥不秋亥子
方多賊寇

乙酉 五運屬金六氣燥金其運涼寒熱民病欬溢寒熱浮
腫 其年雨水不調早晚禾半收燕魯宜麻荆吳麥豆
大熟葉少蚕收冬雪凍

丁酉 五運屬木六氣燥金其運風清熱民病欬喘寒熱
其年禾木不收春夏水秋冬旱吳楚荆揚多飢棄柘盛蚕不
多

巳酉 五運屬金六氣燥金其運涼熱寒民病効噎寒熱
其年禾熟魯衛宜豆麥淮吳宜水田棄柘盛蚕不多陸種
宜早得收冬多雪

辛酉 五運屬水六氣燥金其運寒雨風民病中熱脹面目
浮腫 其年田禾七分衛魯遭傷秦吳六畜多死秋冬旱
春夏水麥收蚕薄收民多瘴患寇賊之擾

五戌

甲戌 五運屬土六氣寒水其運陰埃民病濕下重
五穀蝗虫傷吳浙民多疫淮楚少米蚕不收田禾半收

丙戌 五運屬水六氣寒水其運寒民病大寒留於谿谷

其年夏秋旱春冬水早晚禾依時布種得收揚益不宜
麻吳齊不收棄少蚕收六畜瘡人多疾

戊戌 五運屬火六氣寒水其運熱民病熱鬱 其年稻半
收春秋多雨燕宋宜且麥齊吳不收蚕不熟牛羊遭瘴
人民漂流晚田勞冬多雪

庚戌 五運屬金六氣寒水其運肅殺凋零民病燥背脊胸
滿 其年民主瘴疫吳宜稻麻荆秦宜麥春夏水秋冬旱
又水蚕收

壬戌 五運屬木六氣寒水其運風民病眩掉目瞋 其年
高低田半收秦吳水梁宋宜麻且蚕棄半熟秋苗水浸

雨水秋旱冬主六畜灾牛病

五亥

乙亥

五運屬土六氣寒水其運涼熱寒民病欬喘血溢血

畜多灾人民安

丁亥

五運屬木六氣風木其運風清熱民病寒於右下

其年田禾收長越宜稟麻秦淮宜巨麥冬雨水夏旱稟蚕不多民多瘡瘡六畜遭屯

巳亥

五運屬土六氣風木其運雨風清民病寒於右下

其年人多疾田禾少秋冬草木枯焦春夏秧苗少燕吳宜巨麥淮魯稟麻不收稟少蚕薄收閭閻蜂蟬交飛

辛亥

五運屬水六氣風木其運寒雨風民病寒生於右下

壬亥

五運屬水六氣風木其運寒雨風民病寒生於右下

癸亥

五運屬火六氣風木其運熱寒雨民病寒於右之下

其年早禾熟春夏水巨麥不收晚禾不宜江越吳地蚕少稻麻半收秋旱冬雨水

素問候氣

按素問曰常以冬至之日其太乙立於叶蟄之宮其候也天

必應之以風雨其日風從南來者為虛風邪傷人者也其

夜半至者民皆卧而弗犯也故其歲民少病其晝至者萬

民感而懈隨皆中於虛風故民多病以其虛邪入客於骨

而發於外故有疾焉至立春之日風從西來萬民皆中於

虛風此兩邪相搏經氣結代者也故諸達其風而遇其雨

者命曰遇歲露焉因歲之和而少賊風不病少病而少死

歲多賊風邪氣寒温則民多病而多死
正月朔日太乙居天留之宮其日西北風不雨人多死

正月朔日平日北風春民多病死者十有三也

正月朔日夕時北風秋民多死終日北風大病死者十有六也

正月朔日風從南方來命曰旱鄉從西方來命曰白骨其方有殃人多死亡

正月朔日風從東方來伐屋揚沙石其方有大災

正月朔日風從東南方來春有死亡

正月朔日天利温不風余賤民不病天寒而風余貴民多病

此所謂候歲之風感傷人者也

二月丑不風民多心腹病

三月戌不温民多寒熱

四月巳不暑民多瘴病

十月申不寒民多暴死

懼仙月占

正月占

歲日天色清明氣候熙和主民安國泰五穀登人少疾犧牲

旺寇賊息陰雨人殃田禾水澆六畜不興花果不實

暴風主賊盜禾不登六畜災主旱蔬菜少大雪年内穀

麥蓄盛馬牛羊大災菓木少米穀賤魚鰕貴人民安

氣主虫蝗生絲蚕少果木多蔬菜盛婦人災

露重主年

內男子瘟小地灾絲蚕廣雨水調雨昏主妖主賊人生

瘡疥。月內電候氣逆乱陰陽反錯乃電人殃。風雨飛

沙走石主絲貴禾荒。四方有黃氣田大熟白氣凶青氣

蝗虫赤氣旱黑氣大水。東方有青雲人病春多雨白雲

八月凶。赤雲主春旱黑雲春多雨。南方有赤雲夏旱采

貴。風從南來夏米平年主旱。風從西來春夏米貴

風從東來夏米平。風從北來水澇。風從西來小豆熟

風從東北來禾大熟。風從東南來疾疫有雷鳴禾麥小

熟。若歲旦值甲米平人疫。值米麥貴。值丙夏月

旱民安。值丁絲綿貴。值戊粟麥。皆貴又主旱。值

巳米貴蚕少多風雨。值庚金鉄貴禾熟民殃。值辛

六。值壬米麥平。值癸禾旺人殃。上旬值甲

子豐丙子旱戊子虫庚子凶壬子水。二云豐非

元日值立春候氣大忌。春甲子雨赤地千里。

立春日天陰無雨民安蚕麥十倍。東風吉人民安時

木蓄盛。南風牛馬六畜安。西風主盜主毒。北風

辨田木

立春日在危宿之度去極一百六度。天表影長一丈五寸

二分。日出卯入酉。晝四十五刻。夜五十五刻。立

春之五日東風解凍蘭乃芳。次五日蟄虫始振。後五

日魚上水。

雨水日在室宿之度去極一百一度。天表影長五尺九寸

二分。晝四十七刻。夜五十三刻。雨水之五日獺祭

魚。次五日候鴈北。後五日草木萌動。天道南行。

事出行俱宜向 南

其月日在營室昏參中白尾中其日甲乙其帝天皞其

芒其蟲鱗其音角律中大蕩其數八其味酸其臭膻其

尸祭先脾 天子居青陽左掖乘鳶為輅駕倉龍載青旂衣

青衣服倉玉食麥與羊其器䟽以達

是月也以立春先立春三日大吏謁之天子曰某日立春盛

德在木天子乃齋立春之日天子親帥三公九卿諸侯太

夫以迎春於東郊還反賞公卿大夫於朝命相布德和令

行慶施惠下及兆民慶賜遂行毋有不當 乃命太史守

典奉法司天日月星辰之行宿離不貸毋失經紀以初為

常

月也天子乃以元日祈穀于上帝乃擇元辰天子親載

孟春

年

孟春

孟春

孟春

孟春

孟春

孟春

招措之于參保介之御間帥三公九卿諸侯大夫躬耕帝

籍天子三推三公五推卿諸侯九推反執爵于太寢三公

九卿諸侯大夫皆御命曰勞酒

是月也天氣下降地氣上騰天地和同草木萌動王命布農

事命田舍東郊皆脩封疆審端徑術善相丘陵阪險原隰

土地所宜五穀所植以教道民必躬親之田事既飭先定

準直農乃不惑

是月也命樂正入學習舞乃脩祭典命祀山林川澤犧牲母

用牝

是月也禁止伐木毋覆巢毋殺孩蟲胎天飛鳥毋麝毋卵毋

聚大眾毋置城郭掩骼埋胔

是月也不可以稱兵 必天殃兵戎不起不可從我始毋

庚子年

庚子年

庚子年

庚子年

庚子年

庚子年

庚子年

庚子年

變天之道母絕地之理母亂人之紀

孟春行夏令則雨水不時草木蚤落國時有恐行秋令則其民大疫秋風暴雨總至藜莠蓬蒿並興行冬令則水潦為敗雪霜大摯首種不入

二月

朔日有風雨主米禾貴

月內虹見秋米貴若在西方米愈貴

其日值驚蟄主虫蝗值春分歲凶 雷初發聲抵北方歲內

吉如轟猛烈年內不宜

甲子日發雷大熟 雨年內旱 雷起東北米賤人多病

起東方歲熟 起東南虫蝗 起南方火災主旱 起西

南有虫蝗人民殃 起西方禾熟金鉄貴 起西北

疾疫 起王北歲多雨水

月內有三卯宜且無三卯未吉且早種可收

春分日東有青雲宜麥若晴明無雲禹物不成民多熱疾

西風麥貴 東風麥賤歲豐 南風五日先水後旱 北

風來貴

驚蟄日在壁宿之度去極九十五度 天表影長八尺五寸

四分 日出卯入酉 書四十九刻 夜五十一刻 驚

蟄之五日小挑華 次五日倉鷓鳴 後五日鷹化為鳩

春分日在奎宿之度去極八十九度 天表影長七尺五寸

五分 書五十一刻 夜五十一刻 春分之五日玄鳥至

次五日雷乃發聲為藥禁 後五日始電 天道西南行

作事出行俱宜向西南

其月日在奎昏弧中曰達星中其日甲乙其帝太皞其神句芒其蟲鱗其音角律中夾鍾其數八其味酸其臭羶其祀戶祭先脾天子居青陽太廟乘鸞輅駕倉龍載青旂衣青衣服倉玉食麥與羊其器疏以達

是月也安萌芽養幼少存諸孤擇元日命民社命有司省囹圄去桎梏毋肆掠止獄訟

是月也玄鳥至之日以太牢祠于高禘天子親往后妃帥九嬪御乃禮天子所御帶以乃鞶授以弓矢于高禘之前是月也日夜分雷乃發聲始電蟄蟲咸動啓戶始出先雷三日奮木鐸以令兆民曰雷將發聲有不戒其容止者生子不備必有凶灾日夜分則同度量鈞衡石角斗角正權概是月也耕者少舍乃脩闔廟畢備毋作大事以妨農之

事

是月也毋竭川澤毋漉陂池毋焚山林天子乃鮮羔開水先薦寢廟上下命樂正習舞釋承天子乃帥三公九卿諸侯大夫親往視之仲丁又命宗正入學習樂

是月也祀不用犧牲用圭璧更皮幣
仲春行秋令則其國大水寒氣總至寇賊來侵行冬令則陽氣不勝麥乃不熟民多相掠行夏令則國乃大旱煖氣早來蟲螟為害

三月

朔日風雨民多病

其日值清明竹木再榮值穀雨時歲大豐有雷雨主旱其日風北來不止至申時其年粟貴一日雷五穀熟

日雷亦主豐熟又主來年春五穀平秋百果貴冬米貴
月內月蝕主米貴人飢

月內無三卯宜麻麥有三卯宜豆

月內見虹主九月米貴魚益五倍

月內辰日兩百虫生如更得未日兩百虫死 春兩甲寅乙

卯甲申至巳丑日兩庚寅至癸巳日兩三辰日兩三未日

兩皆主米大貴 此月初五日大陰或兩主蚕大吉

清明日在菱宿之度去極八十三度 天表影長六尺五寸

五分 日出卯入酉 晝五十三刻 夜四十七刻 清

明之五日桐始華 次五日田鼠化為鴽并華 後五

日虹始見

穀兩日在胃宿之度去極七十七度 天表影長五尺五寸

六分 晝五十五刻 夜四十五刻 穀兩之五日蒞始

生 次五日鳴鳩拂其羽 後五日戴勝降于桑 天道

北行作事出行俱宜向北

其月日在胃昏七星中且牽牛中其日甲乙其帝大皞其神

句芒其蟲鱗其音角律中姑洗其數八其味酸其臭擅其

祀戶祭先脾 天子居青陽右掖乘鸞駕倉龍戴青旂

衣青衣服倉玉食麥與羊其器疏以達

是月也天子乃薦鞠衣于先帝命舟牧覆舟五覆五反乃告

舟備具于天子焉天子始乘舟薦鮪于寢廟乃為麥祈實

是月也生氣方盛陽氣發泄句者畢出萌者益達不可以亡

天子布德行惠命有司發倉廩賜貧窮振之絕開府庫出

幣帛周天下勉諸侯聘名禮賢者

是月也命司空曰時雨將降下水上騰循行國邑周視原野
脩利隄防道達溝瀆開通道路毋有障塞 田獵罝罟羅

網畢翳餒獸之藥毋出九門

是月也命野虞母伐桑柘鳴鳩拂其羽戴勝降于桑具曲植
籩筐后妃齋戒親東鄉躬桑禁婦女毋觀省婦使以勸
事蚕事既登分繭稱絲效功以共郊廟之服毋有敢惰
是月也命工師令百工審五庫之量今織皮革筋角齒羽箭
幹脂膠丹漆毋或不良百工咸理監工日號毋悖于時毋
或作為淫巧以蕩上心

是月之末擇吉日大合樂天子乃帥三公九卿諸侯大夫親
往視之

是月也乃合累牛騰馬遊牝于牧犧牲駒犢舉書其數 命

國難九門磔攘以畢春氣

季春行冬令則寒氣時發草木皆肅國有大恐行夏令則民
多疾疫時雨不降山陵不收行秋令則之多沈陰淫雨蚤
降丘山並起

四月

朔日大熱及有風雨主米貴人飢 西北風起主大荒 西

南風米賤 東風米秋貴 東南風自旦至夜半不止者

主五穀熟 西南風至十日不止者賣牛損穀

其日雲有蒼色麥熟青色蝗虫麥損半

其日值立夏主地震值小滿凶 四日雨五穀貴 五日八

日雨宜早麥 四日至七日風者大豆熟

月內虹見主米貴 夏甲子雨撐船入市

其月月蝕人飢

月內有三卯宜麻無三卯麥不收 夏月甲乙丙丁日無雨 民不耕

月內庚寅至癸巳有雨麥平 甲申及巳丑日有雨麥貴 甲申日大雨五穀大貴

立夏日大晴其年必旱 東風五穀收人無瘟疫 南風人 生疾病苗稼亢旱 西風牛羊六畜灾 北風魚鱉廣

若巳時東西風十日青氣見并有東南風其年大熟如青 氣不見年多大風十日應之萬物大傷北風來泉涌地動

人疫 西風蝗虫起人殃 東風來雷非時擊物 立夏日在昴宿之度去極七十三度 天表影長四尺五寸

七分 日山寅卯入酉 晝五十七刻夜四十三刻 立夏之五日蕙乃華螻蛄鳴 次五日荷蠶錢蚯蚓出

後五日王瓜生赤箭竹筍出 小滿日在畢宿之度去極六十九度 天表影長三尺五寸

八分 晝五十八刻 夜四十二刻 小滿之五日苦蕒 秀吳葵華鶴雉出 次五日靡草死 後五日麥秋至

天道西行作事出行宜向西 其月日在畢昏翼中旦婺女中其日丙丁其帝炎帝其神祝

融其蟲羽其音徵律中 呂其數七其味苦其臭焦其祀 龜祭先肺

天子居明堂左披乘朱輅駕赤駟載赤旂衣朱衣服赤玉食 菽與鷄其器高以粗

是月也以立夏先立夏三日太史謁之天子曰某日立夏盛

德在火天子乃齋立夏之日天子親帥三公九卿大夫以迎夏於南郊還反行賞封諸侯慶賜遂行無不欣說乃命樂師習合禮樂命太尉贊桀俊遂賢良率長大行爵出祿必當其位

是月也繼長增高母有壞墮母起土功母發大衆母伐大樹是月也天子始絺命野虞出行田原為天子勞農勸民母或失時 命司徒循行縣鄙命農勉作母休于都

是月也驅獸毋害五穀母大田獵農乃登麥天子乃彘嘗麥先薦寢廟

是月也聚畜百藥藥草死麥秋至斷薄刑決小罪出輕繫蠶事畢后妃獻繭乃收繭稅以桑為均貴賤長幼如一以給郊廟之服

五月也天子飲酌用禮樂

孟夏行秋令則苦雨數來五穀不滋四鄙入保行冬令則蟲木蚤枯後乃大水敗其城郭行春令則蝗虫為災暴風來格委草不實

五月

朔日大熱又有風雨者主米大貴久飢 又云自正月至五月五朔日有大雨人飢飛蝗遍起 風從北來人相掠米大貴

其日值芒種六畜哀鳴風東來半日吉若一日主米大貴其日屬錢財只宜進財不宜出財

其月上辰日有兩蝗虫起雨下食禾大駭立應巳日雨亦王蝗虫

月內虹見主麥貴

月無三卯早種豆有三卯小大豆皆吉

夏至日屬水主妖厲金有大暑毒值丙寅丁卯日粟貴

其日午時南方有赤雲狀如馬者名鬲宮正氣五穀豐如赤

雲不見其歲五穀不成人患眼目又云主旱其冬無水

南風主大熟 北風主山水暴出 西南風主六月水橫

流人殃 西風秋多大雨 東風八月人病 北風米大

貴在四五十日內應 其日無雲年裏主旱

晦日風雨者來春米貴

芒種日在參宿之度去極六十七度 天表影長二尺五寸

九分 日出辰卯入申酉 芒種之五日螳螂生 次三

日蜩始鳴 後五日反舌無聲

夏至日在井宿之度去極六十七度 天表影長一尺六寸

晝五十九刻 夜四十一刻 夏至之五日鹿角解 次

五日蜩始鳴 後五日半夏生木槿榮 天道西北行作

事出行俱宜向西北

其月日在東井昏亢中旦危中其日丙丁其帝火帝其神祝

融其蟲羽其音徵律中蕤賓其數七其味苦其臭焦其祀

竈祭先肺

天子居明堂太廟乘朱輅駕赤駟載赤旂衣朱衣服赤玉食

菽與鷄其器高以粗養壯佼

是月也命樂師脩鞀鞀鼓均琴瑟管簫執干戚戈羽調箏箏

笙簧飭鍾磬祝敔 命有司為民祈祀山川百源大雩帝

用盛樂乃命百縣雩祀百辟卿士有益於民者以所穀實

是月也農乃登黍天子乃以雛嘗黍羞以含桃先薦寢廟

令民毋艾藍以漆毋燒灰毋暴布 門閭毋閉關而無索

挺重囚益其食 游牝別群則執騰駒班馬政

是月也日長至陰陽爭死生分君子齋戒處必掩身毋躁止

聲色毋或進薄滋味毋致和郎嗜欲定心氣百官靜事無

刑以定晏陰之所成

是月也毋用火南方可以居高明可以遠眺望可以升山陵

可以處臺榭

仲夏行冬令則雹凍傷穀道路不通暴客來至行春令則五

穀晚熟百勝時起其國乃飢行秋令則草木零落果實墜

成民殃於變

六月

有風雨主米貴

其日值夏至急備米穀歲必大飢值大暑人多殃二日小暑

山崩河不流

月內虹見主麻大貴月內月蝕主旱 伏日切不可迎新婦

犯之主凶

夏月甲乙丙丁日無雨民不耕 丙寅丁卯日雨秋米貴一

倍

夏三月內辰日雨主生虫未日雨主虫死甲子庚辰辛巳日

雨蝗虫死有雷亦同

晦日有風主米貴

小暑日在鬼宿之度去極六十七度 天表影長二尺五寸

九分 日出寅卯入酉 晝五十八刻 夜四十二刻

小暑之五日溫風至 次五日蟋蟀居壁 後五日鷹乃學習

大暑日在柳宿之度去極七十二度 天表影長二尺五寸八分 晝五十七刻 夜四十三刻 大暑之五日腐草化為螢 次五日土潤溽暑 後五日大雨時行 天道東行作事出行俱向東

其月日在柳昏火中且奎中其日丙丁其帝炎帝其神祝融其蟲羽其音徵律中林鍾其數七其味苦其臭焦其祀竈祭先肺

天子居明堂右掖乘朱輅駕赤駟載赤旂衣朱衣服赤玉食菽與鷄其噐高以粗 命漁師伐蛟取鼉登龜取龜 命澤人納林箠

是月也命四監六合百縣之秩芻以養犧牲令民無不成出其力以其皇天上帝名山大川四方之神以祀宗廟社稷之靈以為民祈福

是月也命婦官染采黼黻文章必以法故無或差貸黑黃倉赤莫不質良毋敢詐偽以給郊廟祭祀之服以為旗章以別貴賤等給之度

是月也柶木方盛命虞人入山行木毋有斬伐不可以興土功不可以合諸侯不可以起兵動衆毋率大事以擾養氣毋發令而待以妨神農之事也水潦盛昌神農將持功率大事則有天殃

是月也土潤溽暑大雨時行燒糶行水利以殺草如以熱湯可以糞田疇可以美土疆

季春行春令則穀實鮮落國多風效民乃遷徙行秋令則
隰水潦禾稼不熟乃多女灾行冬令則風寒不時鷹隼蚤
鷩四鄙入保

歲中六月未七月初是為中央其時也屬中央土其日戊巳
其帝黃帝其神后土其虫倮其音宮律中黃鍾之宮其數
五其味甘其臭香其祀中雷祭先心

天子居太廟大室乘大輅駕黃駟載黃旂衣黃衣服黃玉食
稷與牛其器鬲以闔

七月

朔日有風雨主米貴

月內虹見主年內米貴

其月月蝕來春牛馬貴應在來年三月

月內有二卯為上無三卯早種麥

秋甲子日雨未頭生耳若雷不藏民多暴疾

立秋日天氣清明萬物不成有小雨吉大雨傷五穀

其日屬火不宜老人雷雨折木主多怪異

其日申時西南方有赤黃雲如群羊者坤氣至宜粟赤黃氣

不至其年萬物不成地震牛羊死應在來年正月 東風

雖禾豐收民事不足 南風人民安牛馬旺又主秋旱

西風主霜重秋有大雨有賊盜米穀賤 北風忠孝人出

冬多雪雨水大 東北風穀米貴應在四十五日內

西南風時年豐稔 東南風凶 西北風暴寒至

晦日有風雨主米貴人多殃癘疽生

立秋日在星宿之度去極七十三度 天表影長四尺五寸

七分 日出卯入酉 晝五十五刻 夜四十五刻 立
秋之五日涼風至芷乃箭 次五日白露降 後五日寒
蟬鳴

處暑日在翼宿之度去極七十八度 天表影長五尺五寸
六分 晝五十四刻 夜四十六刻 處暑之五日鷹乃
祭鳥 次五日天地始肅 後五日未乃登 天道北行
作事出行俱宜向北

其月日在翼昏建星中日畢中其日庚辛其帝少皞其神蓐
收其蟲毛其音商律中夷則其數九其味辛其臭腥其祀
門祭先肝

天子君總章左掖乘戎輅駕白駱載白旂衣白衣服白玉食
蘇與犬其器廉以深

是月也以立秋先秋三日太史謁之天子白某日立秋盛
德在金天子乃齊立秋之日天子親帥三公九卿諸侯大
夫以迎秋於西郊還反賞軍帥武人於朝天子乃命將帥
選士厲兵簡練桀俊專任有功以征不義詰誅暴慢以明
好惡順彼遠方

是月也命有司脩法制繕圖匱具桎梏禁止姦慎罪邪務搏
執命理臆傷察創視折審斷決獄訟必端平戮有罪嚴斷
刑天地始肅不可以羸

是月也農乃登穀天子嘗新先薦寤廟命百官始收斂完隄
防謹壅塞以備水潦脩宮室坏垣墻補城郭

是月也毋以封諸侯立大官毋以割地行大使出大幣
孟秋行冬令則陰氣大勝介

國乃旱陽氣復還五穀無實行夏令則國多火災寒熱不節民多瘡疾

八月

朔日至初三日陰雨宜麥布貴油麻貴十倍

其日陰雨大熟若無雲麥不成赤雲麥枯死黃雲吉兼多雨牛貴

月內虹見來春米貴 月內無三卯不可種麥

秋分日清明萬物不生若小兩天陰吉

其日酉時西方有白雲如羊者正氣至也宜種年豐有白氣并雜黑氣渾者芝麻收如不見此氣即歲中多霜人多疾病應在來年二月 有東風五穀萬物不實穀貴在四十五日中 西風至民安歲稔 西北風有劫掠 東南風

主暴風至 北風多寒冷 東北風十一月多陰晦 南

風凶 西南風土工興

白露日在軫宿之度去極八十四度 天表影長六尺五寸

五分 日出卯入酉 晝五十二刻 夜四十八刻 白

露之五日鴻雁來 次五日玄鳥歸 後五日群鳥養羞

秋分日在角宿之度去極九十度半 天表影長七尺五寸

五分 晝五十一刻 夜五十一刻 秋分之五日雷乃收聲

次五日蜚虫坏户景天華 後五日水始涸 天道東北

行作事出行俱宜向東北

其月日在角昏牽牛中旦觜觶中其日庚辛其帝少皞其神蓐收其蟲毛其音商律中南呂其數九其味辛其臭腥其祀門祭先肝

天子居總章太廟乘戎輅駕白駟載白旂衣白衣服白玉食
麻與犬其器廉以深

是月也養衰老授几杖行糜粥飲食乃命司服具飭衣裳文
繡有恒制有大小度有長短衣服有量必循其故冠帶有
常乃命有司申嚴百刑斬殺必當毋或枉撓之不當反
受其殃

是月也乃命宰祝循行犧牲視全具按芻豢瞻肥瘠察物色
必此類量小大視長短皆中度五者備當上帝其饗天
子乃難以達秋氣以大嘗麻先薦寢廟

是月也可以築城郭建都邑穿竇塞滯困倉乃命有司趨民
收斂務畜菜多積聚乃勸種麥毋或失時其有失時行罪
無疑

是月也日夜分雷始收聲蟄虫坯戶殺氣浸盛陽氣日衰水
始涸日夜分則同度量平權衡正鈞石角斗角

是月也易闕市采商旅納貨賄以便民事四方來集遠鄉皆
至則財不匱上無乏用百事乃遂凡率大事毋逆大數必
順其時慎因其類

仲秋行春令則秋雨不降草木生榮國乃有恐行夏令則其
國乃旱蟄蟲不藏五穀復生行冬令則風災數起收雷先
行草木蚤死

九月

朔日風雨主春旱夏水芝麻貴十倍二日雨貴五倍 有東
風來半日不止禾不收穀大貴

其日值寒露或霜降主歲飢 月內多雨米貴 月內月無

歲凶

其月上卯日風從北來米三倍貴定在來年三月七月 東

風三倍貴 西風平之 月內雷鳴穀米大貴

寒露日在亢宿之度去極九十度 天表影長八尺五寸四

分 日出卯入酉 晝四十八刻 夜五十二刻 寒露

之五日鴻鴈來賓 次五日雀入大水為蛤 後五日菊

有黃華

霜降日在氐宿之度去極一百二十度 天表影長五尺九

寸三分 晝四十六刻 夜五十四刻 霜降之五日菊

乃祭獸 次五日草木黃落 後五日蟄虫咸俯 天道

南行休事出行俱宜向南

其月日在房昏虛中且柳中其日庚辛其帝少暉其神蓐收

其蟲毛其音商律中無射其數九其味辛其臭腥其祀明

祭先肝

天子居總章右掖乘戎輅駕白駱載白旂衣白衣服白玉食

麻與犬其器簋以深

是月也申嚴號令命百官貴賤無不務內以會天地之藏無

有宣出乃命冢宰農事備收率五穀之要藏帝籍之收於

神倉祗敬必飭

是月也霜始降則百工休乃命有司曰寒氣總至民力不堪

其皆入室 上丁命樂正入學習吹

是月也大饗帝嘗犧牲告備于天子合諸侯制百縣為來歲

受朔日與諸侯所統於民輕重之法貢職之數以遠近土

地所宜為度以給郊廟之事無有所私

是月也天子乃教於田獵以習五戎班馬政命僕及七驪咸
駕載旌旄授車以級整設于屏外司徒摯扑北面誓之
天子乃厲飭執弓挾矢以獵命主祠祭禽于四方
是月也草木黃落乃伐薪為炭蟄蟲咸俯在內皆墮其戶乃
趣獄刑毋留有罪收祿秩之不當供養之不宜者
是月也天子乃以犬嘗稻先薦寢廟
季秋行夏令則其國大水冬藏殃敗民多軌躔行冬令則國
多盜賊邊境有警土地分裂行春令則暖風未至民氣解
惰師興不居

十月

朔日有風雨年內主旱夏多水芝麻貴十倍一日雨芝麻貴
五倍又云來年不宜收如風寒主正月米貴如大雨米大

天曆會元之數

羅仙曰自開闢至予初度之年

皇明洪武之戊午通該三百二十七萬七千八百七十四年
按帝王世紀云自天皇至燧皇九十一代凡一百八萬二千
七百六十年

按春秋玄命苞云自開闢至獲麟凡三百二十七萬六千年
分爲十紀

堯元年甲辰至洪武之戊午凡二千七百一十一年

按天運紹統自伏羲至胡元除僭號不載外帝吳蜀遂金閩
位正統至我

皇明混一區宇君天下者共二百八十二君

按黃帝內傳道教始自元始天王開闢混沌以定三才化生

萬物至洪武戊午二千二百二十七萬七千八百七十四年

按周書儒教始於黃帝命倉頡製字始有書契至周景王二

十年孔子始宣明其教至洪武戊午四千七百六十五年

以黃帝注

按梁皇佛統記胡教始佛生於周莊王九年自漢明帝永平

八年其法始入中國至洪武戊午一千一百五十一年

曜仙肘後神樞

上卷終

